

Inatsisartut suleriaasianni § 37 imm. 1 naapertorlugu Naalakkersuisunut apeqquteqaat imaattoq matumuuna saqqummiuppara.

Naalakkersuisunut apeqquteqaat:

- 1) Soraarnerussutisiaqarnissamut ileqqaartussaataitalernikuunerit patsisigalugit inuiaqatigiinni nalinginnaasumik aningaasat kaaviiarnerisa annikillismanerisa, sulilu annikillinerusinnaaneritut sunniutissaasinnaasut naatsorsorneqarnikuuppat? *Misissuisoqarsimappat naatsorsuutit nassuiaateqaqquneqarput, naatsorsuuteqaanngippallu suna patsisigalugu pilersitsisoqaannginnera nassuiaatigeqquneqarpoq.*
- 2) Innuttaasut 18-init ukiullit, pinngitsaalisamik soraarnerussutisiaqarnissartik patsisigalugu, aningaasat ulluinnarni atugassarisimasat, soorlu illusineritut, bilisineritut, allanullu nalinginnaasumik aningaasartuutissaraluaasa maanna annikillineqarnerisa kingunerisaanik aningaaserivinnut aningasanik atortarnerat - erniat ilanngullugit - qanoq allannguuteqartiginikuuppat? *Akissuteqarnermi inuiaqatigiit, pinngitsaalisamik soraarnerussutisiaqarnerup atuutilersinnerata kingorna, aningaasanik atorniartarneritut kisitsisit minnerpaamik akineqarnissaat piumasarineqarpoq, akisinnaannginnermilu patsisigineqartut nassuiaatigeqquneqarput.*
- 3) Soraarnerussutisiaqarnissamut pinngitsaalisamik katersisussaataitalernermut inatsisissap Inatsisartuni suliarineqarnerani, ilaatigut pissakinnerit eqqornerlunneqarsinnaanissaat takorloorneqarnikuuvoq. Naalakkersuisut maanna killiffimmut qiviraanni pissakinnernut katersisussaataaneq atuuttoq pissusissamisoortutut inerneqartutut isigivaat?
- 4) Soraarnerussutisiaqalernissamut katersisussaataitanerup atuutilereernerata kingorna ilaatigut soraarinngornissamut ukiut qaffatsinneqarput, corona, aningaasarliungaatsiarneq pivoq, akit immikkuullarissumik qaffanneri allarpassuillu naatsorsuutigingisat pinerini, pinngitsaalisamik soraarnerussutisiaqarnissamut inatsisip nalilersoqqinnissaa Naalakkersuisut pissusissamisoortut isigilersimanerpaat?

- 5) Apequtigineqartuni paasissutissat pissarsiarisinnaanngikkaanni, itisilerluakkamik paasissutissat pissarsiarisinnaanerinit aqutissat nassuiaatigineqarnissaannut, taamatuttaaq aningaasartuuteqartariaqartoqarpit missingersuutissaat ilanngullugit suut periarfissaappat?**

(Inatsisartunut ilaasortaq Doris Jakobsen Jensen, Siumut)

Tungavilersuut:

Soraarninngornissamut pinngitsaalisamik katersaqartussaataaernerup atuutilereernerata kinguneri, maannalu pissutsit annertungaatsiartumik allanngorarsimatillugit, soorlu soraarninngornissamut ukiut qaffatsinneqarnikuusut, corona sorsunnerillu kingorna akit qaffangaatsiarsimanerini, aalajangiinerup kingunerisai apequtillu akineqartariaqalersimaneri pillugit apeqquusiisoqarnissaa pissusissamisuulersimammatt apeqquaqarpunga.

Apequtigineqartut nutsersimaneri nalornissutigineqassappata kalaallisut allaqqasortaa aallaavigineqassaaq. Apequtigineqartut ullut suliffiusut qulit (10) iluanni akeqquneqarput.